



D^a. OLGA ALONSO SUÁREZ, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 31 de maio de 2018**, adoptou o seguinte acordo:

5.- PROPOSTAS DE ADXUDICACIÓN PARA CONTRATACIÓN DAS OBRAS DE ACONDICIONAMENTO DA PRAZA DE PEDRO ALVARADO. EXPTE. 9811/446.

Visto o informe de fiscalización de data 28/05/18, dáse conta do informe-proposta da mesma data, asinado pola secretaria da Mesa de Contratación, que di o seguinte:

A Mesa de Contratación do Concello de Vigo, na súa sesión de data 24 de maio de 2018, realizou entre outras, as seguintes actuacións:

11.- Propostas de adxudicación

e) Procedemento aberto para a contratación das obras de acondicionamento da praza de Pedro Alvarado (9.811-446)

LEXISLACIÓN APLICABLE

- Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público (TRLCSP)
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación das obras de acondicionamento da praza de Pedro Alvarado (9.811-446)

ANTECEDENTES

Primeiro.- A Xunta de Goberno local na sesión que tivo lugar o 3 de maio de 2018, adoptou o seguinte acordo:

“Primeiro.- Dar conta dos seguintes acordos adoptado pola Mesa de Contratación

- *Sesión do 12 de febreiro de 2018: a Mesa acordou non admitir neste procedemento de ZONA DE OBRA O ROSAL, S.L.U. por ter presentado a súa proposición fóra do prazo de presentación de ofertas.*
- *Sesión do 15 de marzo de 2018: a Mesa acordou excluír a ELSAMEX S.A. por non ter presentado a documentación esixida no apartado 7A das FEC do PCAP (“Carta de compromiso do fabricante de xogos co contido descrito no apartado 16.B.1 desta FEC”).*
- *Sesión do 19 de abril de 2018:*



Copia do documento - Concello de Vigo

Data impresión: 07/06/2018 11:27

Páxina 1 de 4

Expediente 9811/446

CSV: 2FEC5B-AB4H58-4885C5-C88SCQ-VGJW32-H1

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

- A Mesa acordou excluír a CONSTRUCCIONES CERNADAS, S.L. e UTE EXCAVACIONES Y CONSTRUCCIONES LAUREANO COVELO, S.A.- SERVICIOS MEDIOAMBIENTALES DEL MIÑO, S.L., por non ter presentado a documentación esixida no apartado 7A das FEC do PCAP ("Carta de compromiso do fabricante de xogos co contido descrito no apartado 16.B.1 desta FEC").
- A Mesa acordou excluír a LAPPSET ESPAÑA VR, S.L. por incompatibilidade (artigo 56 do TRLCSP), ao ter participado na elaboración dos documentos preparatorios do contrato podendo supoñer esta participación un trato privilexiado con respecto aos demais licitadores.

Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación das obras de acondicionamento da praza de Pedro Alvarado (9.811-446) na seguinte orde descendente:

Orde	Licitadores	Puntuación total
1	ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI)	94,00
2	PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.)	79,88

Terceiro.- Requerir ao licitador clasificado en primeiro lugar, ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI), para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 151.2 TRLCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 21 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 22 do prego de cláusulas administrativas particulares.

Cuarto.- Requerir ao citado licitador o aboamento de 982,00 euros en concepto de custos dos anuncios de licitación".

Segundo.- Este acordo foi notificado ao licitador clasificado en primeiro lugar, ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI), o 4 de maio de 2018 que presenta a documentación requirida os días 16 e 18 de maio de 2018, dentro do prazo concedido; e completa a documentación acreditativa da solvencia técnica o 22 de maio, transcorrido o referido prazo, se ben a solvencia pode ser obxecto de emenda (Recomendación da Xunta Consultiva de Contratación Administrativa sobre a interpretación dalgúns preceptos do texto refundido da Lei de Contratos do sector público tras a modificación realizada pola Lei 14/2013, do 27 de setembro, de apoio aos emprendedores e a súa internacionalización: "Se o licitador presentara a documentación a que se refire o artigo 146.1 no prazo sinalado pero se presentara incompleta ou con defectos emendables, esta Xunta Consultiva considera que o órgano de contratación deberá darlle a este licitador prazo para emendar que sexa suficiente").



Copia do documento - Concello de Vigo

Data impresión: 07/06/2018 11:27

Páxina 2 de 4

Expediente 9811/446

CSV: 2FEC5B-AB4H58-4885C5-C88SCQ-VGJW32-H1

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Terceiro.- A Mesa de Contratación na sesión do 24 de maio de 2018 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primeiro lugar ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI), como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

A primeira oferta economicamente máis vantaxosa para a administración contratante é a formulada por ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI), de acordo cos informes de valoración das proposicións avaliábles mediante xuízo de valor e das proposicións avaliábles mediante fórmula, de datas 22 de febreiro e 27 de abril de 2018, respectivamente.

Terceiro.- A competencia para a resolución deste expediente correspóndelle á Xunta de Goberno local (apartado 3 da disposición adicional segunda do TRLCSP), na súa calidade de órgano de contratación.

En base ao que antecede, proponse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar a ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI) o procedemento aberto para a contratación das obras de acondicionamento da praza de Pedro Alvarado (9.811-446) coas seguintes condicións:

- a) O prezo total do contrato é de 384.900,00 euros, sendo a cota correspondente ao IVE de 66.800,83 euros.*
- b) Propón unha redución no prazo de execución das obras de 21 días.*
- c) Propón un incremento do prazo mínimo de garantía dos elementos que configuran o parque infantil de 10 anos.*
- d) Propón un incremento do prazo mínimo da garantía ofertada da obra executada de 10 anos.*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.



Copia do documento - Concello de Vigo

Data impresión: 07/06/2018 11:27

Páxina 3 de 4

Expediente 9811/446

CSV: 2FEC5B-AB4H58-4885C5-C88SCQ-VGJW32-H1

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.

O ALCALDE,

Abel Caballero Álvarez.



Copia do documento - Concello de Vigo

Data impresión: 07/06/2018 11:27

Páxina 4 de 4

Expediente 9811/446

CSV: 2FEC5B-AB4H58-4885C5-C88SCQ-VGJW32-H1

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>